

Newspaper

Berita Harian

Date

28 March 2016

Bertentangan Perlembagaan

BH-28/3/2016

» Tun Mahathir akui gerakan terdesak cuba singkir Najib

Oleh Mohd Iskandar Ibrahim, Hazwan Faisal Mohamad dan Norrasyidah Arshad
bhnews@bh.com.my

► Shah Alam



Tun Mahathir bersama (dari kiri) Kit Siang, Muhyiddin dan Zaid (kanan) pada sidang media selepas Kongres Rakyat 2016 di SACC Shah Alam, semalam.

(FOTO BOSDAN WAHID/BH)

Tun Dr Mahathir Mohamed semalam mengakui usaha penyingkiran Perdana Menteri, Datuk Seri Najib Razak bertentangan dengan Perlembagaan Persekutuan.

Bekas Perdana Menteri itu berkata, Perlembagaan Persekutuan menetapkan Yang di-Pertuan Agong yang berkuasa untuk melantik Perdana Menteri namun tiada peruntukan yang menyatakan mereka boleh memecatnya.

"Raja-raja boleh melantik Perdana Menteri, tetapi tidak boleh buang atau menying-

kirkannya dan apa yang kita hendak buat ini, di luar daripada Perlembagaan Persekutuan.

"Tetapi kalau Raja-raja mendesak ada kemungkinan Perdana Menteri akan disingkirkan. Sebab itu kita mengadakan deklarasi (rakyat)," katanya berucap pada Kongres Rakyat 2016 yang dihadiri kira-kira 1,000 orang di Pusat Konvensyen Shah Alam (SACC) di sini, semalam.

Konvensyen itu turut dihadiri bekas Timbalan Perdana Menteri, Tan Sri Muhyiddin

Yassin; bekas Menteri Besar Kedah, Datuk Seri Mukhriz Mahathir; Penasihat DAP, Lim Kit Siang dan Menteri Besar Selangor, Datuk Seri Mohamed Azmin Ali.

Gesa Anwar dibebaskan

Dalam pada itu, kongres yang kononnya memperjuangkan suara rakyat berubah menjadi medan menggesa supaya bekas Ketua Pembangkang, Datuk Seri Anwar Ibrahim yang dipenjarakan atas kesalahan meliwat, dibebaskan.

Antara mereka yang mem-

buat gesaan itu ialah bekas Menteri di Jabatan Perdana Menteri, Datuk Zaid Ibrahim, Mohamed Azmin dan bekas Presiden Majlis Peguam, Datuk S Ambiga.

Malah, DAP turut mengambil peluang apabila Ahli Parlimen Seputeh, Teresa Kok mempertahankan Ketua Menteri Pulau Pinang, Lim Guan Eng berhubung skandal pembelian banglo dengan mendakwa isu itu sengaja diperbesarkan bagi menutup kempen Selamatkan Malaysia.